



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Annales Mariani Societatis Iesv**

**Nádasi, János**

**Romæ, 1658**

Anno MDXXXVIII.

**urn:nbn:de:hbz:466:1-42840**

apud DEVM, per DEI Matrem præsidium parare,  
contra lethale peccatum: imò & contra veniale,  
cuius pœna purgatorium est. Hoc nempe sic oran-  
tes agimus quod olim Deo dicebat Dauid: *Vespere,*  
*& mane,* & *meridie narrabo & annuntiabo.* Annun-  
tiamus tunc Virgini salutationem, quam ab Angelo  
in Annunciatione accepit.

psal. 58. 12.

ANNO M D XXXVII.

32 Exeunte hoc anno S. P. Ignatius in eo quod  
cum Petro Fabro, & Iacobo Haynez Romam habe-  
bat itinere diuinitus multa didicit. Particulatim,  
id agebat apud DEI Matrem flagrantissimis preci-  
bus, vt cum ipse in familia IESV esse vellet, illa apud  
Filium sibi conditionem inueniret, adeoque per  
Matrem eius totus fieret Filij, quicquid posset, quic-  
quid esset: id quod apud illam, & per illam apud  
Patrem ac Filium, vt efficacitate maiore ageret,  
sanctissimo CHRISTI corpore quotidie reficiebatur.  
Non vanas fuisse preces Matris apud æternum Pa-  
trem expertus est, quando in vicino Vrbi templo in  
preces effusus æternum Patrem vidit, qui Ignatium  
& Socios CHRISTO crucis baiulo, & istie spectabili  
commendabat, CHRISTO benignè Ignatium intui-  
to, & blandè dicente: *Ego vobis Roma propitijs ero:*  
& tunc Ignatio IESV nomen altius adhuc atque  
profundius impressum hæsit in corde: ita vt IESV,  
non suam, hanc esse ac dici Societatem voluerit.  
Sic nos vel hoc nomine reddidit magnæ Matri ama-  
biles, quam S. Ignatius Ep. vocat MARIAM IESV.

Petere ad  
Iesu fa-  
miliã per  
Mariam  
admitti.

Vide Mat-  
racci Anti-  
qrites pag.  
292.

ANNO M D XXXVIII.

33 Auspicatò id vniuersæ Societati hoc anno  
euenisse dici potest, quòd Romam appulso Igna-  
tio & socijs, ad profeminandam diuini verbi se-  
mentem, cum alijs alia Urbica templa, tum Igna-  
tio

C 2 tio

Ad conciones opẽ  
B. V. adhibere.

tio *Beatissimæ Virginis Matris de monte Serrato* (quod propè Anglorum Collegium est) templum obtigerit. Nempè Romæ ubi erat Societas nascitura, primæ ab illius Patre habendæ conciones debebant fieri auspicijs DEI Matris; vt scirent quò oculos referre deberent Ignatij Filij suggestum conscensuri: nempe ad Patrem Ignatium primas Romæ conciones habentem in templo, velut in finu, Matris; in cuius ille monte Serrato iam olim arma pro aris ac tholo, se verò Virginis Matris gloriæ dedicârat. Confluebat ad Ignatium nobilis, ac frequens auditor è primæ notæ viris: alius beatum se putabat quòd à nulla Ignatij concione abfuisset: alius dicebat nullum à se auditum qui tantâ cum potestate, tamque appositè ad persuadendum differeret. Certè S. Dominico Prædicatorum Patri ad concionem dicturo, & oranti *Beatissima Virgo* librum porrexit, è quo optimam, disceret concionem. Ab hac discendum.

Sacro se  
per B. V.  
preparare.

Serm de  
Aque ductu.

34 Cùm anno superiore die S. Ioannis Baptistæ Venetijs sacris fuisset initiatus S. P. Ignatius, non nisi hoc anno sacris est operatus, adiutricem, præsidemque inæstimabili spiritus dulcedine implorans MARIAM sacrificandi IESV Matrem. Videbatur sibi esse iterum Minoresis, tantâ voluptatis liquidissimæ, per DEI Matris opem, dulcedine perfundebatur. Quare in eo quod offerre in primo sacrificio parabat, rerum suarum omnium, vt vocant, primitias è Bernardi consilio, purissimis illis MARIÆ manibus offerendas oblaturus, vt illâ duce introiret ad altare DEI, S. MARIÆ Maioris ad Niues ædem Romæ ad ipsum IESV præsepe pro primo sacrificali sanctuario, & arâ prima elegit, cùm Romæ loca alia non deessent: quò suos documento exempli expergefatos

et os cohortaretur, ut religiosam ad sacrificium appa-  
 rationem, & quicquid primitiarum nomine voca-  
 ri solet, illi agro primitiarum, DEI Matri, & per hanc  
 DEI, ac MARIAE Filio, & per hunc Patri offerrent;  
 inde prospera accepturi. Quicquid ergo in diuinis  
 aut humanis primum eoque gratius est, MARIAE  
 amori, & per hanc DEI honori, sacrum esto. In  
 apparatione ad sacrificandum, nec pietati parendum,  
 nec tempori, nec omittenda Deiparæ nos pro Filio  
 præparaturæ augusta & pia reuerentia. Id Ignatius  
 pro primo sacro, ut apud illam apparatus ageret, anni  
 ferè vnus interuallum impendit, quò per illam ad Fi-  
 lium haberet accessum. Nec abs re fuerit, diuino  
 sacrificio, vel etiam Synaxi, se per B. Virginem cum  
 Ignatio parare, per illam accessum petere, per illam  
 cum Ignatio introire ad altare DEI, & cum Bernar-  
 do meditatè pronuciare verba illa: *Per te accessum*  
*habeamus ad Filium, ò benedicta inuentrix gratia, Ge-*  
*nitrix vite, Mater saluis, ut per te nos suscipiat qui per*  
*te datus est nobis.*

S. de Adv.  
in huc.

ANNO MDXL. Soc. confirmatæ 1.

35 S. Franciscus Xaverius missu Ignatij, seu Sum-  
 mi Pontificis, in Indiam ad grandia illa patranda  
 profecturus 21. Martij Laureti DEI Matrem religio-  
 sè inuisit: in sacrosancto illo sanctuario diuino sa-  
 crificio est operatus: Legatum, & socios itineris  
 diuino Sacramento muniuit: & vbi ex MARIA Ver-  
 bum caro factum fuerat, ibi ad eiusdem verbi semen-  
 tem longè lateque proferendam, & ad aspera tole-  
 randa flagrantiam nouosque ardores concepit. No-  
 luit id ille insalutatâ MARIA DEI Matre aggredi; qui  
 tamen postea, ut per iter Matrem suam, cum propè  
 abesset, inuiseret, licèt tam procul profecturus, ad-  
 duci non potuit. Benè tanti momenti negotium

Dum ma-  
gna ag-  
gredimur,  
Deiparâ  
adire.

au-